

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno:	27-01-2026		
Org. jed.	Kl. ozn.	Red. broj	Br. priloga
01	04	60/26	

Broj: 02-04-74/26-AP-3
Datum: 26.01.2026. godine

GRADSKO VIJEĆE ZAVIDOVIĆI
n/r PREDSEDavajućoj GRADSKOG VIJEĆA
Hadžić dr Amira, spec. radiolog

PREDMET: Odgovori na vijećnička pitanja sa 13. sjednice Gradskog
vijeća Zavidovići održane 30.12.2025. godine, dostavljaju se

Povodom vijećničkih pitanja postavljenih na 13. sjednici Gradskog vijeća Zavidovići
održanoj 30.12.2025. godine, dostavljamo odgovore na iste kako slijedi:

1. VIJEĆNIČKA PITANJA VIJEĆNIKA HARISA HODŽIĆA

1. Vijećnik Haris Hodžić: „Na osnovu članova 8. i 87. Poslovnika o radu Gradskog
vijeća Zavidovići, kao vijećnik Gradskog vijeća Zavidovići postavljam sljedeće vijećničko
pitanje: Ko je naložio odlaganje otpada u podnožju Ozrena i gdje je uklonjen otpad sa područja
Svinjašnice, te da li je propisno odložen i na koju lokaciju je skladišten?

Obrazloženje:

Sredinom mjeseca decembra, prema informacijama građana, JKP „Radnik“ d.o.o.
Zavidovići je naložio odlaganje otpada u podnožju Ozrena na lokalitetu Svinjašnice. Uz čiji
nalog i na osnovu kojeg odobrenja je odložen otpad na ovu lokaciju ?

Također, nakon reakcije i osude građana, otpad je narednih dana pokupljen i prebačen na novu
lokaciju. Prema informacijama građana i otpad sa gradske deponije kabastog materijala na
području Kolona je također odvežen na novu lokaciju uzvodno rijekom Krivajom prema
Vozući.

Tražimo informaciju od gradske uprave, nadležne komunalne inspekcije i uprave komunalnog
preduzeća JKP Radnik d.o.o. da nam dostave informaciju o kojoj lokaciji se radi, te da li je
otpad propisno odložen i da li posjeduju sve potrebne dozvole za ovu radnju ?

Potrebno je dati informaciju da li se radi o lokaciji Male Ribnice na rejonu kamenoloma
Ingram uz samu granicu kantona gdje se prema navodima mještana nalaze tri vodozahvata a
jedan od njih je i vodovod za Mjesnu zajednicu Brezovača, ili se radi o nekoj drugoj lokaciji
skladištenja ?

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnoj gradskoj službi, komunalnoj inspekciji (gradskoj i
kantonalnoj) kao i komunalnom preduzeću JKP Radnik d.o.o. Zavidovići.“

Odgovor na prvo vijećničko pitanje (Odgovor je sačinjen na osnovu akta Službe za
upravu poljoprivrede, vodoprivrede i komunalnih poslova, broj: 08-45-21/26-AP-13 od

23.01.2026. godine): Do sačinjavanja ovog akta nije nam dostavljen odgovor od strane JKP „Radnik“ na koju lokaciju je izmješten odloženi otpad sa područja Svinjašnice. Također nam nije poznato da li postoji odobrenje odnosno nalog na osnovu kojeg je JKP „Radnik“ izvršilo odlaganje otpada na ovoj lokaciji.

Inspekcijском kontrolom na lokalitetu Male Ribnice, u rejonu kamenoloma „Ingram“ komunalni inspektor nije utvrdio postojanje niti odlaganje otpada.

2. Vijećnik Haris Hodžić: „Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Kada je izvršeno ugovaranje i potpisivanje ugovora za asfaltiranje platoa ispred JU „Kulturno-sportskog centra“ Zavidovići ?

Obrazloženje:

Neposredno prije početka 22. kulturno-zabavne manifestacije "Ljeto u gradu 2025.g. izvršeno je asfaltiranje platoa ispred JU „Kulturno-sportskog centra“ Zavidovići. O izvođaču radova smo upoznati preko zvanične facebook stranice komunalnog preduzeća JKP „Radnik“ d.o.o. Zavidovići da je izvođač iako nema nikakve tehničke uslove za isto, da bi ubrzo objava sa zvanične stranice komunalnog preduzeća bila izbrisana. Prema informacijama, radi se o aktivnostima i radnjama asfaltiranja bez prethodno potpisanog ugovora koji je tek naknadno po završetku radova potpisan što je suprotno važećim zakonima koji uređuju oblast nabavki. Stoga, molim vas za dostavu informacije kada su odrađeni radovi i kada je potpisan ugovor između Grada Zavidovići i JKP „Radnik“ doo Zavidovići?

Također, molim vas da mi dostavite i kopiju ugovora za izvođenje gore navedenih radova.

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnoj gradskoj službi.“

Odgovor na drugo vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-8-14/26 od 20.01.2026. godine):

1. Izvođač radova na asfaltiranju plato - prostora ispred Kulturno-sportskog centra Zavidovići je JKP „Radnik“ d.o.o. Zavidovići.
2. Cijena radova bila je 29.470,79 KM (dvadesetdevet hiljada četiristotinesedamdeset i 79/100 konvertibilnih maraka). PDV je uračunat u cijenu, radovi su izvedeni u skladu sa Ugovorom o izvođenju radova.
3. Javna nabavka je vršena na osnovu Odluke koja se izuzima iz postupka primjene Zakona o javnim nabavkama u skladu sa članom 10c. stav (1) tačka a).
4. Realizaciju navedenog ugovora pratio je Viši referent za poslove građenja, investicija, infrastrukturu, saobraćaj i ekologiju, a obzirom na karakter i složenost radova nije angažovan eksterni nadzor u skladu sa Zakonom o prostornom planiranju i građenju. Izvještaj o izvedenim radovima urađen je na osnovu stvarnih izvedenih radova.

2. VIJEĆNIČKO PITANJE VIJEĆNIKA ŠEMSUDINA SKEJIĆA

Vijećnik Šemsudin Skejić: „Stanje realizacije projekta vodosnabdijevanja prostorne cjeline Pašin Konak.

Molim Gradonačelnicu da putem nadležne Službe za upravu privrede, lokalni razvoj, infrastrukturu i međunarodnu saradnju, Gradskom vijeću, da odgovore na slijedeća pitanja:

1. Šta je do sada urađeno i koliko je novca utrošeno u realizaciju navedenog infrastrukturnog projekta Vodosnabdijevanja?

2. Šta je urađeno i koliko je novca utrošeno u 2025. godini?

3. Šta je planirano uraditi i koliko je novca planirano uložiti u 2026. godini?
4. Kada će biti završen započeti projekat (bazeni i primarne mreže)?
5. Ima li nadležna Služba plan aktivnosti nakon što se projektom predviđeni radovi završe? Preciznije rečeno šta će biti sa sekundarnom mrežom i priključcima?“

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-8-14/26 od 20.01.2026. godine): U 2019. godini je zaključen ugovor o izvođenju radova na izgradnji / dogradnji rezervoara sa pumpnom stanicom R1/PS1 V=2x100 m³, sa ugovorenom vrijednošću radova u iznosu od 172.712,98 KM (okončani su ugovoreni radovi u iznosu 172.674,47 KM) i R2/PS2 sa ugovorenom vrijednošću radova u iznosu od 175.499,88 KM (okončani su ugovoreni radovi u iznosu 174.927,27 KM). U 2021. godini zaključen je i realizovan Ugovor o izgradnji rezervoara sa pumpnom stanicom R4/PS3 (pumpna stanica sa rezervoarom V=50 m³) sa ugovorenom vrijednošću radova 201.649,50.

U toku 2022. godine ugovorena je izgradnja rezervoara R5 V=2x100 m³, tj. dvije zasebne komore po V=100 m³, kao i zasebna zatvaračka komora. Ugovorena vrijednost radova je 119.295,50 KM, a isti se finansiraju iz sredstava Federalnog ministarstva finansija sa pozicije „Kapitalni transferi drugim nivoima vlasti i fondovima – KANTONI I OPĆINE“ - Sufinansiranje od strane Vlade FBiH Odlukom o raspodjeli sredstava utvrđenih budžetom Federacije BiH za 2021. godinu.

Takođe, u toku 2022. godine ugovoreni su radovi na dovršetku radova na rezervoaru R5, dovršetku mašinskih i hidroinstalacija u postojećoj pumpnoj stanici PS 1 i izgradnji dijela potisnog cjevovoda R1-R2 u dužini od 210 metara. Ugovorena vrijednost radova iznosila je 162.793,48 KM. Sredstva su obezbijedena od Ministarstva za poljoprivredu, šumarstvo i vodoprivredu ZDK iz Programa utroška sredstava vodnih naknada za 2021. godinu u iznosu od 100.000,00 KM i Budžeta Grada Zavidovići u iznosu od 62.793,48 KM.

U toku 2023. godine ugovoreni su i radovi na izgradnji rezervoara R3 - V=100 m³ u iznosu od 104.284,79 KM. Sredstva su obezbijedena od Ministarstva za poljoprivredu, šumarstvo i vodoprivredu ZDK iz Programa utroška sredstava vodnih naknada za 2022. godinu u iznosu od 65.000,00 KM i Budžeta Grada Zavidovići u iznosu od 39.284,75 KM. Radovi su okončani u 2023. godini.

U 2023. godini ugovoreni su radovi na izgradnji rezervoara V= 50 m³ sa pumpnom stanicom R6/PS4 u iznosu od 105.300,00 KM. Sredstva su obezbijedena od Ministarstva za poljoprivredu, šumarstvo i vodoprivredu ZDK iz Programa utroška sredstava vodnih naknada za 2023. godinu. Radovi su trenutno u toku.

Također, u 2023. godini ugovoreni su radovi na izgradnji rezervoara V= 50 m³ R7 u iznosu od 97.110,00 KM. Sredstva su obezbijedena od Ministarstva za poljoprivredu, šumarstvo i vodoprivredu ZDK iz Programa utroška sredstava vodnih naknada za 2023. godinu u iznosu od 91.482,00 KM i Budžeta Grada Zavidovići u iznosu od 5.628,00 KM.

Okončanjem radova na rezervorima R6 i R7 završava se izgradnja rezervoara i pumpnih stanica, te dalje slijede radovi na izgradnji potisnih vodova odnosno spajanja rezervoara.

U 2024. godine ugovoreni su radovi na izgradnju 1.245 metara potisnog cjevovoda između rezervoara R1/PS1 – R2/PS (V1) u iznosu od 179.314,20 KM. Sredstva su obezbijedena od Federalnog ministarstva finansija sa pozicije „Kapitalni transferi drugim nivoima vlasti i fondovima – KANTONI I OPĆINE“ - Sufinansiranje od strane Vlade FBiH Odlukom o raspodjeli sredstava utvrđenih budžetom Federacije BiH za 2023. godinu u iznosu od 100.000,00 KM i Budžeta Grada Zavidovići u iznosu od 79.314,20 KM. Izvođač radova je bio preduzeće GP „HELDOVAC“ d.o.o. Žepče. Radovi su okončani u 2024. godini.

Krajem 2024. godine ugovoreni su radovi na izgradnji 1.285 metara potisnog cjevovoda rezervoar R2/PS2 - R3 (V2) i dio voda R3 – R4/PS3 (V3) u dužini 1.300 metara u iznosu od 239.597,76 KM. Sredstva su obezbijedena putem Ministarstva za poljoprivredu, šumarstvo i

vodoprivredu ZDK iz Programa utroška sredstava vodnih naknada za 2024. godinu u iznosu od 212.627,41 KM i Budžeta Grada Zavidovići u iznosu od 26.970,35 KM. Radovi su okončani u junu 2025. godine.

Također, u junu 2025. godine ugovoreni su radovi na izgradnji preostalog dijela voda R3 – R4/PS3 (V3) u dužini 2.200 metara i rasteretne komore RK1. Ugovorena vrijednosti radova je 192.836,39 KM. Izvođač radova je bilo preduzeće GP „HELDOVAC“ d.o.o. Žepče. Radovi su okončani u 2025. godini.

Krajem 2025. godine pokrenut je postupak javne nabavke za izgradnju potisnog voda V4 u dužini 1.120,0 m' od R4 do R5 i dijela gravitacionog voda V5 u dužini 530,0 m' od R5 do R6 sa dijelom sekundarne mreže duž vodovoda V4 i V5 u dužini 1.590,0 m'.

U 2026. godini planirano su radovi na izgradnji primarnog distributivnog voda V5 sa sekundarnom mrežom, izgradnja potisnog voda V6 sa sekundarnom mrežom i završetak radova na izgradnji sekundarne mreže Kuvelj, vrela, Mramorje i Karalić (pod uslovom da se riješe imovinskopravni odnosi za sekundarnu mrežu Kuvelj, Vrela, Mramorje i Karalići), a vrijednosti radova će zavisići od odobrenih sredstava viših nivoa vlasti kao i raspoloživih sredstava u Budžetu grada Zavidovići za 2026. godinu.

3. VIJEĆNIČKO PITANJE VIJEĆNICE AZRE SINANOVIĆ

Vijećnica Azra Sinanović: „Poštovani, kao vijećnica Gradskog vijeća u skladu sa odredbama Poslovnika o radu

Gradskog vijeća Zavidovići, postavljam vijećničko pitanja na koje tražim odgovor od Gradonačelnice i resorne službe, građevinskog inspektora, koje glasi;

Zakonom o cestama FBiH propisane su obaveze i nadležnosti različitih nivoa vlasti shodno kategorizaciji cesta te je tako u nadležnosti jedinica lokalne samouprave dodijeljena nadležnost nad izgradnjom, rekonstrukcijom i održavanjem lokalnih, nekategorisanih i nerazvrstanih cesta.

U predhodnom sazivu vijeća urađena je Strategija izgradnje i održavanja lokalnih cesta na području naše lokalne samouprave i kao takva je za nas obavezujući dokument.

Prema toj Strategiji nabrojani su poslovi kao i utvrđeni rokovi za realizaciju navedene strategije kao što su:

- poslovi održavanja i zaštite cesta;
- pripremanju dugoročnih i srednjoročnih planova razvoja cesta i izvještavanje;
- pripremanju srednjoročnih i godišnjih planova i programa održavanja, zaštite, rekonstrukcije i izgradnje cesta kao i izvještaje o realizaciji tih planova i programa; -pripremanje plana obnove;
- obavljanje investicijskih poslova za održavanje i obnovu, rekonstrukciju i izgradnju;
- obavljanju investicijskih poslova za osiguranje potrebne studijske i projektne dokumentacije;
- obavljanje poslova zaštite cesta;
- predlaganje finansijskih planove i finansijskih izvještaja o realizaciji tih planova i programa i osiguravanju sredstava za potrebe cesta; itd..

Članom 24. Zakona o cestama FBiH propisano je između ostalog da Srednjoročni program održavanja i zaštite, kao i program rekonstrukcije, izgradnje i obnove javnih cesta na period od četiri godine za lokalne ceste i ulice u gradovima općinski načelnik, odnosno gradonačelnik, uz saglasnost općinskog, odnosno gradskog vijeća.

[Izvještaj o ostvarivanju dugoročnih ciljeva razvoja cestovne infrastrukture utvrđenih Strategijom i o realizaciji Programa za lokalne ceste nadležni organ izvještaj podnosi gradskom ili općinskom vijeću.

Moje pitanje glasi da li je navedena Strategija izgradnje i o državanja lokalnih cesta na području Grada Zavidovići u bilo kojoj fazi realizacije, da li je urađen akcioni godišnji plan za njenu realizaciju i na osnovu čega se izvode radovi na našim cestama i ulicama?

Odgovor tražim da se dostavi u pisanoj formi.“

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-8-14/26 od 20.01.2026. godine): Članom 2. Zakona o razvojnom planiranju i upravljanju razvojem u Federaciji Bosne i Hercegovine („Službene novine FBiH“, broj: 32/17) definirano je da je programiranje razvoja „proces pretvaranja dugoročnih strateških ciljeva utvrđenih strateškim dokumentima u konkretne programe i aktivnosti putem izrade trogodišnjih i godišnjih planova prema principu 1+2, u skladu sa kalendarom izrade DOB-a i budžeta, dok je upravljanje razvojem, pretvaranje razvojnih ciljeva i prioriteta u konkretne aktivnosti sa jasnim finansijskim efektom i institucionalnim odgovornostima, njihova realizacija, te monitoring i evaluacija njihovih rezultata“.

Prema naprijed navedenom Grad Zavidovići vrši ulaganje u cestovnu infrastrukturu u skladu sa Planom kapitalnih investicija Grada Zavidovići revidiran za period 2026.-2030. godine a koji je sastavni dio Akcionog plana realizacije Strategije integriranog razvoja Općine Zavidovići za period 2017 - 2026. za 2026. godinu sa trogodišnjim planskim periodom 2026 - 2028. godina, gdje su pobrojani svi projekti koji će se u narednom periodu realizirati u skladu sa finansijskim mogućnostima Budžeta Grada Zavidovića, ista uključuje mjere, aktivnosti i projekte iz Strategije razvoja lokalnih cesta i ulica općine Zavidovići za period 2018 – 2027. Operativni dio strategije - akcioni plan, ima za cilj ostvarenje provođenja strategije razvoja, odnosno razrađuje realizaciju definiranih strateških i sektorskih prioriteta, kroz definiciju konkretnih aktivnosti i projekata koji će biti realizirani u kratkoročnom periodu.

Pored toga vrši se održavanje cesta na području Grada Zavidovića u zimskom i ljetnom periodu, kroz više Ugovora o realizaciji istog.

4. VIJEĆNIČKA PITANJA VIJEĆNIKA IGORA ŠIMŠIĆA

1. Vijećnik Igor Šimšić: „Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam vijećničko pitanje koje se tiče statusa i realizacije projekta Izrade projektne dokumentacije i u konačnici izgradnje i puštanja u funkciju javne rasvjete u naseljenom mjestu Sljivici, MZ Vozuća.

Obrazloženje vijećničkog pitanja:

Tokom 2024.godine usvojena je Inicijativa vijećnika i donesen Zaključak Gradskog vijeća Zavidovići o pristupanju Izradi projektne dokumentacije i u konačnici izgradnje i puštanja u funkciju javne rasvjete u naseljenom mjestu Sljivici u MZ Vozuća.

Prema ličnim saznanjima informisan od mještana, korisnika ove infrastrukture, do današnjeg dana nisu poduzete bilo kakve aktivnosti kako bi se realizirao ovaj projekat.

U nedostatku i nedostupnosti relevantnih detaljnijih informacija po ovoj predmetnoj stvari postavljam ovo vijećničko pitanje s ciljem dobijanja informacija u kojoj je fazi ovaj postupak, da li postoje eventualni problemi u realizaciji, kada se planira konačna realizacija svih aktivnosti, ili se uopšte ne planiraju aktivnosti, i sl?

Pitanja se upućuju Gradonačenicima i nadležnim gradskim službama.

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-8-14/26 od 20.01.2026. godine): Imajući u vidu budžetska ograničenja, do sada nisu bili stvoreni

finansijski uslovi za pristupanje izradi projektne dokumentacije za projekat izgradnje i puštanja u funkciju javne rasvjete u naseljenom mjestu Sljivici, MZ Vozuća.

Služba je upoznata sa predmetnom inicijativom i Zaključkom Gradskog vijeća, te će se u skladu sa mogućnostima i raspoloživim budžetskim sredstvima u narednom periodu, nastojati pristupiti realizaciji navedenog projekta, počevši od izrade projektne dokumentacije.

2. Vijećnik Igor Šimšić: “Ne, imam dopunska. DOPUNSKO (usmeno) Postavljam dopunska pitanja pa ću evo krenuti redom prateći sadržaj odgovora. U odgovoru stoji da Grad Zavidovići nije bio u mogućnosti da van svake sumnje dokaže opravdanost zahtjeva izvođača, obzirom da teret dokazivanja opravdanosti povećanja cijena leži na ugovornom organu. Molim za pojašnjenje kojem ugovornom organu. Dalje, citirajući odgovor, Grad Zavidovići je planirao da će finansijsku konstrukciju za preostale radove na izgradnji mosta zatvoriti putem raspodjele sredstava po Javnom pozivu Vlade FBiH – finansiranje kapitalnih projekata. Konkretno pitanje, da li je ovaj konkretan projekat apliciran na pomenuti Javni poziv, ali i prethodne javne pozive, s obzirom da se ova problematika veže do 2023. godine. Dalje, da li se Grad Zavidovići i njegova uprava obratila Vladi da se produži rok implementacije ili su već vraćena dobijena sredstva? Nadalje, odgovor koji ste dostavili, zahtjev za prenamjenu sredstava za neke prioritetne projekte ne mogu prihvatiti, jer je ovaj projekat bio i biti će prioritetan i u narednim periodima. Volio bih da čujem objašnjenje mještanima, jer je ovo most koji se raspada totalno, nefunkcionalan, opasan i koji je prijetnja, da nije prioritet i da postoji pomen za isključenjem iz realizacije. Na kraju još dva pitanja, vrlo kratka. Da li se Gradska uprava obraćala ikad kantonalnim nivoima vlasti za finansiranje ovog kapitalnog infrastrukturnog projekta, da li je Gradska uprava očekivala ikad i da li očekuje neka sredstva od Kantonalne Vlade ZDK za ovu namjenu. I zadnje pitanje, da li ovim projektom Gradska uprava namjerava aplicirati za dobivanje finansijskih sredstava od Vlade ZDK kojoj je Vlada FBiH tokom ovog mjeseca dala blizu 32 miliona maraka za ovu i slične namjene.”

Odgovor na dopunsko vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-8-14/26 od 20.01.2026. godine): U vezi sa postavljenim pitanjem o ugovornom organu, ističemo da u skladu sa važećim propisima, kao i ustaljenom praksom u postupcima koje provodi Gradska uprava, Grad Zavidovići je ugovorni organ za projekte koji se finansiraju i realizuju iz budžeta Grada.

S obzirom da je Grad Zavidovići planirao finansiranje preostalih radova na izgradnji mosta putem Javnog poziva Vlade Federacije BiH za finansiranje kapitalnih projekata, redosljed stvari nalaže da je predmetni projekat uredno i blagovremeno apliciran na navedeni Javni poziv.

Također, želimo napomenuti da smo uputili zahtjev Federalnom ministarstvu finansija za produžetak roka za realizaciju navedenog projekta i do momenta pripremanja ovog odgovora na Vaše pitanje, nismo dobili odgovor na poslani zahtjev, tako da i sredstva još uvijek nisu vraćena.

Što se tiče mogućnosti preusmjeravanja sredstava, želimo pojasniti da predmetni most svakako svrstavamo u projekte od velikog značaja i visokog prioriteta. Međutim, ukoliko se ne iznađu dodatna finansijska sredstva koja bi omogućila potpun završetak rekonstrukcije mosta, sredstva bi u tom slučaju bila preusmjerena. Smatramo da bi bilo krajnje neodgovorno započeti realizaciju prve faze bez obezbijedenih sredstava za završetak cjelokupnih radova. Ipak, naglašavamo da to ni na koji način ne znači odustajanje od ovog projekta.

Po raspisivanju javnog poziva za dodjelu finansijskih sredstava za projekte ove vrste, kako na kantonalnom, tako i na federalnom nivou, izvršit ćemo aplikaciju u skladu sa važećim propisima i utvrđenim procedurama.

5. VIJEĆNIČKA PITANJA VIJEĆNIKA AJDINA POLIĆA

1. Vijećnik Ajdin Polić: „U skladu članom 8., 87., Poslovnika o radu Općinskog vijeća Zavidovići, postavljam vijećničko pitanje:

Dana 9 aprila 2025. godine, udruženje žena Gostović dostavilo je na protokol Grada molbu za dodjelu kancelarijskog prostora u zgradi stare općine za obavljanje osnovne djelatnosti, međutim, ni nakon više urgiranja zahtjev se nije našao na dnevnom redu sjednice gradskog vijeća. Postavljam pitanja Gradonačelnici, da li je upoznata sa ovim osporavanjem, i postavljam pitanje nadležnoj službi, zašto je ovaj zahtjev u zastoju?

Pitanje uputiti nadležnoj gradskoj službi i Gradonačelnici.

Odgovor zahtijevam pisanim putem.“

Odgovor na prvo vijećničko pitanje (Odgovor je sačinjen od strane Stručne službe gradonačelnika): Udruženje građana „Žena Gostović“ Zavidovići podnijeli su zahtjev za dodjelu kancelarije u zgradi „Stara Opština“. Prema evidenciji raspoloživosti prostorija namijenjenih za obavljanje administrativnih poslova (kancelarija) u vlasništvu Grada Zavidovići utvrđeno je da postoji jedna kancelarija u zgradi zvana „Stara Opština“ koja nije dodijeljena na korištenje. Pored zahtjeva Udruženja građana „Žena Gostović“ Zavidovići podneseno je još pet zahtjeva drugih udruženja za dodjelu kancelarije na korištenje za rad udruženja građana. Zbog navedenog, potrebno je odrediti prioritet za dodjelu navedene kancelarije jednom od udruženja građana koji su podnijeli zahtjev za dodjelu kancelarije na korištenje. U narednom periodu će se zauzeti stav o dodjeli navedene kancelarije i predložiti Gradskom vijeću Zavidovići donošenje odluke o dodjeli iste na korištenje.

2. Vijećnik Ajdin Polić: „U skladu članom 8., 87., Poslovnika o radu Općinskog vijeća Zavidovići, postavljam vijećničko pitanje:

Gradsko vijeće usvojilo je inicijative za zamjenu rasvjetnih tijela na javnoj rasvjeti u ulici Enesa Kalabića i naseljenom mjestu Dolovi, postavljanjem novih LED rasvjetnih tijela, međutim iste nisu realizovane. Postavljam pitanje, kada se planira zamjena rasvjetnih tijela na javnoj rasvjeti u ulici Enesa Kalabića i naseljenom mjestu Dolovi? Pitanje uputiti nadležnoj gradskoj službi i Gradonačelnici.

Odgovor zahtijevam pisanim putem.“

Odgovor na drugo vijećničko pitanje (Odgovor je sačinjen na osnovu akta Službe za upravu poljoprivrede, vodoprivrede i komunalnih poslova, broj: 08-45-21/26-AP-10 od 21.01.2026. godine): Grad Zavidovići je nakon provedene javne nabavke za poslove održavanja javne rasvjete u 2025. godini, potpisao Okvirni sporazum sa preduzećem „DELTAH HM“ d.o.o. Zavidovići.

Promjena vlasničke strukture u navedenom preduzeću u toku trajanja sporazuma imala je za posljedicu i određene poremećaje u obezbjeđivanju kontinuiranog pružanja usluga u smislu održavanja javne rasvjete.

U vremenu trajanja sporazuma a posebno nakon promjene vlasničke strukture u preduzeću je stalno dolazilo do promjene radnika koji je izvršavao poslove održavanja javne rasvjete.

Obzirom da je realiziranje usvojenih inicijativa na terenu zahtijevalo izvođenje obimnijih i složenijih poslova a koje navedeno preduzeće sa trenutno uposlenim i često mijenjanim jednim radnikom nije bilo u mogućnosti kvalitetno izvesti, nije došlo do realiziranja usvojenih inicijativa.

Novim Okvirnim sporazumom za tekuću 2026. godinu, održavanje javne rasvjete je u nadležnosti preduzeća „KOP I KO“ d.o.o. Živinice.

Radi se o preduzeću koje je već u prvim danima trajanja potpisanog sporazuma i njegove realizacije na terenu pokazalo veliku profesionalnost i odgovornost naspram preuzetih obaveza.

Tu se prvenstveno misli na broj uposlenih radnika koji na terenu izvode radove kao i puno bolju opremljenost preduzeća u smislu potrebnih vozniha i drugih sredstava (vlastita 3 vozila sa korpama za rad na visini) te smo uvjereni da će svi planirani radovi u 2026. godini kao i oni koji su bili planirani navedenim inicijativama biti realizirani u tekućoj godini.

6. VIJEĆNIČKA PITANJA VIJEĆNIKA ASIMA DŽINDE

1. Vijećnik Asim Džindo: „Jedno pitanje imam danas. Kada će biti obezbijedena prostorija za normalne uslove rada, da ne bude ljeti plus četrdeset, a zimi minus pet u prostoriji u kojoj radimo?“

Odgovor na vijećničko pitanje (Odgovor je sačinjen na osnovu akta Stručne službe Gradskog vijeća, broj: 01-04-60/26-AP-2 od 22.01.2026. godine): U cilju poboljšanja uslova rada u Velikoj sali organa uprave Grada Zavidovići pokrenuta je procedura zamjene postojećih klima koje su dotrajale, novim inventarima sa novom instalacijom, koje će pružiti zadovoljavajuću temperaturu prostora u zimskim i ljetnim uslovima.

Instaliranje dva nova invertera sa novom instalacijom, očekuje se do kraja mjeseca januara 2026. godine.

2. Vijećnik Asim Džindo: “Imam dopunsko. DOPUNSKO (usmeno) Postavio sam pitanje vezano za stipendije naših studenata sa područja Grada. Dobio sam konkretan odgovor, služba je sastavila i sve to. Ali, postavlja se pitanje i za vas i za nas, jel nas sramota da Općina Kalesija, Gračanica, Velika Kladuša izdvajaju i po 1500 maraka i po 2000 maraka, iako imaju isti ili čak i manji budžet od Grada Zavidovići. Grad Zavidovići izdvaja 800 maraka na 9 studenata, a oni na 50, 60 i 80 studenata po 1500 i 2000 maraka. Također, i oni imaju i kantonalne i boračke stipendije, a mi ovdje za 9 studenata, iako smo izdvojili i planirali 14000 maraka, samo smo dali po 800 maraka.”

Odgovor na dopunsko vijećničko pitanje (Odgovor je sačinjen na osnovu akta Službe za upravu društvenih djelatnosti, pitanja boraca i opću upravu, broj: 04-45-17/26-AP-6 od 19.01.2026. godine): Ova Služba je na predmetno vijećničko pitanje već dostavila odgovor sa jasnim obrazloženjem, te vam isti ponovo dostavljamo, a koji glasi:

“Odlukom o visini stipendije redovnim i redovnim samofinansirajućim studentima prvog i drugog ciklusa studija sa prebivalištem na području Grada Zavidovići za akademsku 2024/2025. godinu utvrđen je iznos stipendije u visini od 800,00 KM.

Kao i prethodnih godina visina Gradske stipendije utvrđivana je na prijedlog nadležene Službe uzimajući u obzir uporedni podatak o visini stipendije Ministarstva za boračka pitanja Zeničko-dobojskog kantona i Ministarstva za obrazovanje, nauku, kulturu i sport Zeničko-dobojskog kantona.

Visina stipendije Ministarstva za boračka pitanja Zeničko-dobojskog kantona u akademskoj 2024/2025. godini iznosila je 1000,00 KM za studente prve godine studija i 1.200,00 KM za sve ostale godine studija, a istu je ostvarilo 167 studenata.

Visina stipendije Ministarstva za obrazovanje, nauku, kulturu i sport Zeničko-dobojskog kantona u akademskoj 2024/2025. godini iznosila je 750,00 KM, a istu je ostvarilo 89 studenata.

Ukoliko bi visina Gradske stipendije bila značajno veća od visine stipendije Ministarstva za boračka pitanja Zeničko-dobojskog kantona i Ministarstva za obrazovanje,

nauku, kulturu i sport Zeničko-dobojskog kantona studenti bi aplicirali samo na Konkurs za Gradsku stipendiju te bi iznos iste bio simboličan što je u prkasi prethodnih godina znalo biti potvrđeno.

Kada bi se hipotetički studenti korisnici stipendija Ministarstva za boračka pitanja Zeničko-dobojskog kantona i Ministarstva za obrazovanje, nauku, kulturu i sport Zeničko-dobojskog kantona prijavili na Gradsku stipendiju iznos iste bi bio cca 50 KM, a sredstva iz Budžeta Zeničko-dobojskog kantona u čijoj nadležnosti je oblast obrazovanja ne bi bila doznačena studentima sa područja Grada Zavidovići.


Napominjemo da su svi redovni studenti aplikanti sa područja Grada Zavidovići koji ne obnavljaju studijsku godinu ostvarili jednu od gore navedenih stipendija ukoliko nisu bili korisnici studentskih domova što se smatra vidom stipendije jer nadležno ministarstvo sufinansira smještaj studenata i ishranu u istim.

Ukupan broj korisnika stipendija sa područja Grada Zavidovići je 265 što predstavlja veliki uspjeh u unaprijeđenju studentskog standarda studenata.“

S poštovanjem

Dostavljeno:

1. Naslovu,
2. U spis.

Akt pripremio: 
(Nermin Čahtarević)



GRADONAČELNICA

mr. iur. Erna Merdić Smilhodžić